

# Фикҳ дарслари (166-дарс) Намозни ҳалол қилувчи саломдир



17:00 / 30.12.2021 3348

Намоздан «салом» лафзи ила чиқиш вожибдир.

Бунинг далиллари қуйидагича:

أَلَا قَدْ مَلَ سَوْ هِيَ لَعْلَلِ صِيَّبِ النَّبِيِّ عَنِ ، عَنْ هَلْ لِي ضَرَّ يَلْعَ عَنِ  
«مَيْلِ سَلِّ أَلَيْ لِحَتِّ وَرِيْبِكْتِ أَلَيْ مَيْرِحَتِّ وَرُوْطَلِ أَلَيْ صَلِّ أَلَيْ حَاتِّ فَمِ»  
يَذْمُرْتِ لَأَوْ دَوَادِ وَبَأْ هَأَوْرِ

Али розияллоху анҳудан ривоят қилинади:

«Набий соллаллоху алайҳи васаллам:

«Намознинг калити покликдир, унинг (бошқа ишларни) ҳаром қилувчиси такбирдир, ҳалол қилувчиси эса саломдир», дедилар».

Абу Довуд ва Термизий ривоят қилишган.

Расулulloх соллаллоху алайҳи васаллам доимо намознинг охирида салом берганлари кўплаб ҳадисларда ривоят қилинган.

Энг ози – икки марта «Ассалому», дейиш. Мукаммали – «Ассалому алайкум ва роҳматуллох», дея ўнг ва чап тарафларга қараш.

Имом салом берганда ортидаги намозхонларни, ҳафаза (сақловчи) фаришталарни ва аҳли солиҳ жинларни ният қилади.

Муқтадий ўз саломи ила имомга алиқни ва қавм ҳамда ҳафаза (қўриқчи) фаришталарни ва аҳли солиҳ жинларни ният қилади.

Якка намозхон саломида фаришталарни ният қилади.

Иккинчи саломида овозини биринчисидан кўра бир оз пасайтиради.

Муқтадийнинг саломи имомнинг саломидан бевосита кейин бўлади.

***«Кифоя» китобининг биринчи жузи асосида тайёрланди***